

重訂唐王燾先生外臺秘要方第三十五卷目錄三十六門

小兒方序例論一首

小兒初生將護法一十七首

小兒初生將息法二首

小兒初受氣論一首

小兒變蒸方二首

相兒命長短法並論二十八首

小兒藏衣法五首

浴兒法一十一首

剃兒頭法一首

總法
有注

十八

尚德按

八疑當

作九

尚德按

法疑當

作方

尚德按
慶疑當
作禮

尚德按
及字下
輝既堂

哺兒法三首

穰謝法一十二首

揀乳母法一首

小兒驚癇啼壯熱不喫妳吐不已不小便方五

首

小兒將息衣厚薄致生諸癇及諸疾方並灸法

二十八首

小兒驚悸方二首

小兒夜啼方一十首

小兒驚夜啼方七首

小兒客忤方一十首

小兒癩癢癖方六首

小兒痰結方二首

小兒因食痞滿羸瘦不下食吐脹方四首

小兒食不下及不消不嗜食方四首

小兒霍亂方一十二首

小兒霍亂雜療方六首

小兒吐痢方四首

小兒疝方二首

小兒口噤方四首

尚德按
無方之
方字疑
術

尚德按
待疑當
待疑

外臺秘要

小兒重舌方並灸法方十三首

小兒鵝口鸚口方六首

小兒口瘡方五首

小兒口中涎出方三首

小兒舌上瘡唇腫方五首

小兒咽喉生瘡方二首

小兒喉痺方四首

小兒停耳方四首

小兒鼻塞方四首

唐王燾先生外臺秘要方第三十五卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

第位道素行父校閱

小兒方序例論一首

千金論曰夫生民之道莫不以養小為大若無小卒不成
大故易稱積小以成高大詩有厥初生民傳云聲子生隱
公此之一義卽是從微至著自少及長人情共見不待經
史故今斯方先婦人小兒後丈夫耆老者則是崇本之義
也小兒氣勢微弱醫人欲留心救療立功差難今之學者

高德抄
千金無
藏字

多不存意良由嬰兒在於襁褓之內乳氣腥臊醫者操行
英雄詎肯瞻視靜而言之可爲太息者矣小品方云凡人
年六歲以上爲小十六以上爲少三十以上爲壯五十以
上爲老其六歲以下經所不載所以乳下嬰兒有病難療
者皆爲無所承據也中古有巫妨者立小兒顛顛經以占
夭壽判疾病死生世相傳授始有小兒方焉逮于晉宋江
左推諸蘇家傳習有驗流於人間齊有徐王者亦有小兒
方三卷故今之學者頗得傳授然徐氏位望隆重何暇留
心於少小詳其方意不甚深細小有可採未爲至秘今博
撰諸家及自經用有效者爲上下兩卷可披而尋之凡百

居家皆宜達茲養小之術則無夭橫之禍也

又小兒初生將護法一十七首

崔氏療小兒初生便以綿裹指拭口中及舌上青泥惡血

此為之玉銜一作銜若不急拭啼聲一發即入腹成百病矣

又療兒生落地不作聲方

取煖水一器灌之須臾自當啼

又兒生不作聲者此由難產少氣故也可取兒臍帶向身却捋之令氣入腹仍呵之至百度啼聲自發

又方

以葱白徐徐鞭之即啼

內德按
少者法
二十八

又方

小兒初生卽當舉之舉之遲晚則令中寒腹內雷鳴
乃先浴之然後速斷臍不得以刀子割之須令人隔
單衣物咬斷兼將暖氣呵七遍然後纏結所留臍帶
當令長至兒足趺上短卽中寒令兒腹中不調常下
痢若先斷臍然後浴者則臍中水中水則發腹痛其
臍斷訖連臍帶中若有蟲宜急剔撥去之不爾當入
兒腹成疾矣

又兒中水及中冷則令兒腹中絞痛天糲啼呼面青黑此

是中水之過兒尿清

一云糞青

者冷也與兒臍中水卽同方

當灸粉絮熨之不時治護臍至腫者當臍中隨輕重
重者便灸之乃可至八九十壯若輕者臍不大腫但
出汗時時啼呼者但禱當歸末和胡粉敷之仍灸絮
日日熨之至百日乃愈以啼呼止爲候

入兒初生法

宜用父故衣裹之若生女宜以母故衣勿用新帛切
須依之令兒長壽

又一晷之內兒衣皆須用故綿帛爲之善兒衣綿帛特忌
序熱慎之慎之

又兒洗浴斷臍訖襁抱畢未可與朱蜜宜與甘草湯取甘

草可中指一節搥碎以水二合煮取一合以綿纏沾
取與兒吮之可得一覘殼入腹止兒當快吐吐去心
胃中惡汁也如得吐餘藥更不須與若不得吐可消
息計如饑渴須更復與之若前所服及更與並不得
吐者但稍稍與之令盡此一合止得吐去惡汁令兒
心神智慧無病也吮一合盡都不吐者是兒不含惡
血耳勿復與之乃可與朱蜜以鎮心神安竟鬼也

小兒初生三日中須與朱蜜只不宜多多則令兒脾胃
脹喜陰痛氣急變噤瘖而死也與朱蜜法

以真經飛鍊朱如大豆以赤蜜一覘殼和之以綿纏

沾取與兒吮之得三沾止一日令盡此一豆許可二
日與之則用三豆許也亦勿過過此則傷兒與朱蜜
訖可與牛黃如朱蜜多少也牛黃益肝膽除熱定精
神止驚辟惡氣除小兒百病三日後應開腸胃助穀
神可研米作厚飲如乳酪厚薄以大豆粒多與啣之
啣三豆許止日三與之滿七日乃可與哺也

又兒生十日始哺如棗核二十日倍之五十日如彈九百
日如棗若乳汁少不得依此法當用意少少增之若
至二十日而哺者令兒無病兒若早哺之及多者令
兒頭面身體喜生瘡愈而復發令兒疳弱難長乳兒

不用太飽飽則令吐候兒吐者乳大飽也當以空乳
乳之卽消夏不去熱乳令兒嘔逆冬不去寒乳令兒
欬痢乳母姊兒當先以手按散其熱氣勿令乳汁奔
出以令兒噎如噎卽便奪其乳令得氣息定復乳之
如是十反五反視兒饑飽以節度之一日之中幾乳
而足以爲常準又常捉去宿乳也乳母與兒卧當以
臂與兒枕之使乳與兒頭平乃可乳之令兒不噎母
欲睡卽奪去其乳勿令填兒鼻口乳不知饑飽忌之
又兒初生著口噤不開不收乳方

赤足蜈蚣半枚去足炙令焦末研之縮篩以猪乳二

合和之分三四服與之差

又兒著口噤體熱者方

煖竹瀝二合分四五服之

又兒新生慎不可逆灸灸之忍痛動其五脉因喜成癩是以田舍小兒任其自然皆無此天也

又兒初生有鵝口者其舌上有白屑如米劇者鼻外亦有療之法

以髮纏筋頭沾井花水擦拭之三旦如此便去不者可煮栗蕒汁令濃以綿纏筋頭沾拭之無栗蕒煮栗木皮如井花水法千金同並出第十上卷中

夕臺秘要
文仲療兒生有連舌舌下有膜如石榴子中隔連其舌下
漸漸喜令兒聲不發不轉法

以瓜摘斷之微有血出無害若血出不止可燒髮作
末以敷之卽止 千金同

又兒初生六七日後血氣收斂成肉則口舌喉頰裏清淨
也若喉裏舌上有物如蘆葦盛水狀者若懸癰有脹起者
以綿纏長針留刃處如粟米許大以刺決之令氣洩去青
黃赤血汁也一刺之止消息一日若不消又刺之不過三
刺自消或餘小小未消三刺之亦止自然消也有著舌下
如此者名重舌有著頰裏及上腭如此者名重腭有著齒

斷上者名重斷皆刺之去血汁差止 千金同

又療兒初生出腹骨肉未斂肌肉猶是血也血凝乃堅成

肌肉耳其血阻 一作 敗不成肌肉則使面目繞臍口左右

悉黃而啼 一作 閉目聚口撮面口中乾燥四肢不能伸縮

者皆是血脉不斂也喜不育如此者宜與龍膽湯方在客

忤部中十味者是也 千金同

兒初生將息法二首

千金兒初生不可令衣過厚熱令兒傷皮膚害血脉發雜

瘡而黃又小兒始生肌膚未成不可暖衣暖衣則令筋骨

緩弱宜時見風日若都不見風日則令肌膚脆軟便易中

傷皆當以故絮衣之勿用新綿也天和暖無風之時令母
將於日中嬉戲數見風日則血凝氣剛肌肉牢密堪耐風
寒不致疾病若常藏於幃帳之中重衣溫暖譬猶陰地之
草木不見風日軟脆不堪風寒也

出第五卷中

小兒初受氣論一首

崔氏論曰凡小兒初受氣在娠一月結胚二月作胎三月
有血脉四月形體成五月能動六月筋骨立七月毛髮生
八月藏腑具九月穀氣入胃十月百神能備而生矣生後
六十日日瞳干成始笑應知人百五十日百脉生能反覆
百八十日尻骨成能獨坐二百一十日掌骨成能匍匐三

此法
在脈成
可作立
高德按
玉疑昔
方

高德按
又蒸千
金作大
蒸

百日髓骨成能獨倚三百六十日為一替膝骨成乃能行
此其定法若有不依期者必有不平之處

小兒變蒸論二首

崔氏小兒生三十二日一變六十四日再變兼蒸九十六
日三變百二十八日四變又蒸百六十日五變百九十二
日六變又蒸二百二十四日七變二百五十六日八變又
蒸二百八十八日九變三百二十日十變又蒸此小變蒸
畢也後六十四日又蒸蒸後六十四日又一大蒸蒸後百
二十八日又一大蒸此大小蒸都畢也凡五百七十六日
乃成人所以變蒸者皆是榮其血脉改其五藏故一變畢

又按千
全論變
蒸之候
見詳

夕臺秘要

七

輒覺情態忽有異也其變蒸之候令身熱脉亂汗出目睛
不明微似欲驚不乳嘔上脣頭小白泡起如珠子耳冷尻
亦冷此其診也單變小微兼蒸小劇先期四五日便發發
後亦四五日歇凡蒸平者五日而衰遠至七日九日而衰
當變蒸之時慎不可療及灸刺但和視之若良久熱不已
可微與紫丸熱歇便止若於變蒸中加以天行溫病或非
變蒸而得天行者其診皆相似唯耳及尻通熱口上無白
泡耳當先服黑散以發其汗汗出溫粉粉之熱當歇便就
差若猶不都除乃與紫丸下之其間節度甚多恐悠悠不
能備行今略疏其經要者如此

又黑散方

麻黃

一分
去節

大黃

一分

杏人

二分
去皮尖
熬令變色

右三味先擣麻黃大黃為散杏人別擣如脂乃細細內散又擣令調和訖內密器中一月兒服如小豆大一枚以乳汁和服之抱令得汗汗出溫粉粉之勿使見風百日兒服如棗核以兒大小量之為度

又紫丸方

代赭

赤石脂

各一兩

巴豆

三十枚
去心皮熬

杏人

五十枚
去尖皮熬

右四味擣代赭等二味為末巴豆杏人別擣如膏又內二味合擣三千杵自相和若硬入少蜜更擣密器中盛

封之三十日兒服如麻子一九與少乳汁令下喉食頃
後與少乳勿令多至日中當小下熱除若未全除明日
更與一九百日兒服如小豆一九以此準量增減也小
兒夏月多熱喜令發疹二三十日輒一服甚佳此丸無
所不治代赭須真者若不真以左顧牡蠣代之忌豬肉
蘆筍

並出第十上卷中

相兒命長短法並論二十九首

千金翼兒生枕骨不成者能言而死 膝骨不成者能偃

而死 掌骨不成者能匍匐而死 踵骨不成者能行而

死 臙骨不成者能立而死 身肉不收者死 魚口者

死 股間無生肉者死 頤下破者死 陰不起者死

囊下白者死赤者死

相法甚博略述十數條而已

兒初生陰大而與身色同者成人 兒初生額上有旋毛

早貴妨父母 兒初生叫聲連延相屬者壽聲絕而復揚

急者不壽 兒初生汗血者多厄不壽 兒初生日視不

正數動者大非佳人 兒初生自開目者不成人 兒初

生通身軟弱如無骨者不成人 兒初生髮稀少者不聽

人 兒初生臍小者不壽 兒初生早坐早行早語早齒

生惡性者非佳人 兒初生頭四破者不成人 兒初生

尚德按 千金翼 不聽上 看強字 惡性者 作皆惡

頭毛不周匝者不成人 啼聲散不成人 啼聲深不成

人 汗不流不成人 小便凝如脂膏不成人 常搖手

足者不成人

無此狀候者皆成人

兒初生臍中無血者好卵下縫通達黑者壽鮮白長大者
壽論曰兒三歲以上十歲以下觀其性氣高下即可知其
夭壽兒小時識悟通敏過人者多夭則項索頰回之流是
也小兒骨法成就威儀迴轉遲舒稍費人精神彫琢者壽
其預知人意迴旋敏速者亦夭則楊脩孔融之徒是也由
此觀之夭壽大略可知也亦由梅花早發不觀歲寒甘菊
晚榮終於年事是晚成就者壽之兆也

並出第十一卷中

小兒藏衣法五首

崔氏凡藏兒衣法

兒衣先以清水洗之勿令沙土草污又以清酒洗之
仍內錢一文在衣中盛於新瓶內以青綿裹之其瓶
口上仍密蓋頭且置便宜處待滿三日然後依月吉
地向陽高燥之處入地三尺埋之瓶上土厚一尺七
寸惟須牢築令兒長壽有智慧若藏衣不謹爲豬狗
所食者令兒癩狂蟲蟻食者令兒病惡瘡犬鳥食之
令兒兵死近社廟傍者令兒見鬼近深水洿池令兒
溺死近故竈傍令兒驚惕近井傍者令兒病聾盲弃

道路街巷者令兒絕嗣無子當門戶者令兒聲不出
耳聾著水流下者令兒青盲棄於火裏者令兒生癩
瘡著林木頭者令兒自絞死如此之忌皆須慎之

又安產婦及藏衣天德月空法

正月

天德在丁
月空在丙壬

二月

天德在坤
月空在甲庚

三月

天德在壬
月空在丙壬

四月

天德在辛
月空在甲庚

五月

天德在乾
月空在丙壬

六月

天德在甲
月空在甲庚

七月

天德在癸
月空在丙壬

八月

天德在艮
月空在甲庚

九月

天德在丙
月空在丙壬

十月

天德在乙
月空在甲庚

十一月

天德在庚
月空在丙壬

十二月

天德在庚
月空在甲庚

凡藏兒衣皆依此法天德月空處埋之若有遇反支者宜

以衣內新瓶盛密封塞口掛於宅外福德之上向陽高燥

之處待過月然後依法埋藏之大吉

又法

甲寅旬日十日不得藏埋兒衣以瓶盛密封安置空處度十日卽藏埋之

又法

甲辰乙巳丙午丁未戊申此五日亦不藏兒衣還盛瓶中密塞勿令氣通挂著兒生處過此五日卽埋之亦不得更過此日

又法

甲乙日生兒丙丁日藏衣吉丙丁日生兒戊巳日藏

馬德按
法疑當
方

衣吉戊巳日生兒庚辛日藏衣吉庚辛日生兒壬癸

日藏衣吉 並出第十上卷中

浴兒法一十一首

崔氏初生浴兒良日此謂初生浴兒以後重浴亦吉寅卯

酉日大吉壬午丁未癸巳日凶

又浴兒虎頭骨湯主辟除惡氣兼令兒不驚不患諸瘡疥

方

虎頭骨 五兩

苦參 四兩

白芷 三兩

右三味切以水一斗煮為湯內猪膽汁少許適寒溫以

浴兒良

又療兒若卒客忤中人吐下不乳哺面青黃色變弦急者以浴之方

取錢七十文以水三斗煮令有味適寒溫浴兒良

又療兒生三日浴除瘡方

桃根

李根

梅根

各八兩

右三味切以意著水多少煮令三四沸以浴兒

又療少小卒寒熱不佳不能服藥六物莽草湯浴兒方

莽草

丹參

蛇牀子

桂心

各三兩

菖蒲

半斤

雷丸

一斤

右六味咬咀以水三斗煮三五沸適寒溫浴兒避日向

陰處

又療少小身熱一物李葉湯方

李葉無多少以水煮去滓以浴兒良忌準前

又方

白芷煎湯浴兒佳根苗皆得

又方

苦參湯浴兒良

又凡尋常浴兒不緣別療諸病只就浴者方

湯熟添少許清漿水一捻鹽浴兒浴訖以粉摩兒既

不畏風又引散諸氣

又兒不用數浴數浴多背冷令兒發癩其湯必適寒温得

所

又療少小壯熱不能服藥宜此十二物寒水石粉散方

寒水石

芒消

滑石

石膏

赤石脂

青木香

甘草炙

大黃

黃芩

芎藭

麻黃去節

牡蠣熬

右藥各等分擣篩以粉一升和藥屑三合復下篩以粉

粉兒日三熱退即止

本方有防風無牡蠣

又少小盜汗三物黃連粉方

黃連

牡蠣熬

貝母

右藥各等分擣篩以粉粉兒良

出第十上卷中

剃兒頭法一首

崔氏初剃兒頭良日寅丑日吉丁未日凶

哺兒法三首

崔氏初哺兒良日以平定成日大吉其哺不得令鹹

又方

寅丑辰巳酉日良

又方

男戊巳日不得女丙丁日不得

攘謝法一十二首

尚德按 攘當作穰

尚德按
方疑當
作法下

崔氏軒轅者

乾神天丞相使者風伯犯之令兒驚

雷公者

震神太陰使者天馬犯之令兒煩悶腹滿解之以三屠家肉為餅於產處謝之大吉

咸池者

坎神天之雨師使者犯之令兒啼不止用羊脯酒於生處謝之吉

豐隆者

艮神天之東明使者天僕也害氣犯之令兒乍寒乍熱大腹以白魚二枚於生處謝之又大豆一升

投井中亦大吉

招搖者

坤神天上使者犯之令兒驚空嚼不止以酒餅生處謝之即愈

天候者

巽神天一執法使者犯之令兒腹脹張眼以白魚二枚於生處謝之吉

吳時者

離神天一將軍遊擊使者犯之令兒驚腹痛用馬脯五寸於生處謝之吉又以白魚五枚并棗餅埋

其生處吉

大時者

允神小時北斗使者犯之令兒腹脹下痢解之以酒脯於生處謝之又以大豆一升投井中吉

犯月殺者

小兒驚啼用丹雄雞血於生處謝之吉

犯白虎者

用稻米一升雞子三枚於生處謝之吉黍米亦得

犯大夫者

用羊肝三枚及稻米一升於生處謝之吉又用雞羶羊皮黍米亦得

犯日遊者

令兒口噤色變欲死者用三屠家肉麥餅於生處謝之吉

揀乳母法一首

崔氏乳母者其血氣為乳汁也五情善惡悉血氣所生其

乳兒者皆須性情和善形色不惡相貌稍通者若求全備

不可得也但取不狐臭瘦瘠氣嗽疔疥癩瘡白禿癰瘍瀝

屑耳聾鼈鼻癩痢無此等疾者便可飲兒師見其身上舊

灸瘢即知其先有所疾切須慎耳

小兒驚癇啼壯熱不喫妳吐不已不小便方五首

劉氏療小兒眠睡不安驚啼不喫妳虎睛丸方小兒熱甚神効

犀角十一分 子苓五分 梔子人 大黃各十分

虎睛研一枚

右五味擣篩蜜和如梧子大每服七丸大小量之妳母

忌熱麩小兒熱風癇以乳汁或竹瀝研三丸服之漸增

以差爲度小兒百日以下蓐內壯熱以妳汁研四丸與

服卽差

又療小兒初生不喫妳方

以乳兩合葱白一寸和煎一兩沸去葱與喫卽能喫

海蛤

也補小

以此壳

盛乳灌

乳立効以蛤鋪灌之

尚德按鋪疑當作哺例見第二十八卷中

又療小兒喫妳不穩三日至七日以來覺壯熱顏色赤及

鼻孔黃即恐作撮口及孩子牙關裏有蟲似蝸牛亦似黃

頭白蟬螺者方

燒竹取瀝半合和少許牛黃與喫即差又以豬肉拭

口即引蟲出或自消便差

又療小兒初生吐不止方

人乳 二合

蘼蔎茂

少許

鹽

兩粟米大

右三味煎三兩沸牛黃兩米許研和與服即差止

又小兒初生不小便方

尚德按蘼蔎茂

人乳 四合 葱白 一寸

右二味相和煎分爲四服卽小便利神効

小兒將息衣裳厚薄致生諸癩及諸疾方並灸法二

十八首

廣濟療小兒驚癩體羸不堪療子母五癩煎方

鈞藤 二分 知母 一分 子芩 各四分 甘草 炙

升麻 各三分 沙參 各三分 寒水石 六分 酢蟬 一枚去翅炙

饒蝦 三枚炙

右九味擣篩以好蜜和薄滑著銅鉢於沸湯上調之攪

不停手如飴糖煎成稍稍別出少許一日兒嗽之一枚

裏核大日夜五六過服不妨五六日兒噉之三枚一百
日兒噉四枚二百日兒噉至三百日兒噉五枚三歲兒噉
七枚以意量之

小品云玄中記曰天下有女鳥一名姑獲又名鈞星鬼也
喜以陰兩夜過飛鳴徘徊人村里喚得來也是鳥純雌無
雄不產喜落毛羽於中庭置入兒衣中便使兒作癩必死
卽化爲其兒也是以小兒生至十歲衣裳不可露七八月
尤忌之

備檢按
千金無

千金夫癩病小兒之惡病也或有不及求醫而致困者然
氣發於內必先有候常宜審察其精神而採其候也手白

肉魚際脉黑者是癩候魚際脉赤者熱脉青大者寒青細者爲平也

又鼻口乾燥大小又眼不明上視又耳後完骨上有青絡

青大刺之又小兒髮逆上啼哭面又鼻口青時小又意氣

令血出又暗色不變是癩候又吐痢不止厥痛又身熱目時直

又身熱小便又時起是癩候又視是癩候又身熱目時卒大

目閉青時小又咽乳不利又身熱頭常汗又目瞳子卒大

驚是癩候又喜欠目上又卧惕惕而驚手又身熱

癩候又喘是癩候又視是癩候又足振搖是癩候又目視

不精是又卧夢笑手足又弄舌搖頭

以上諸候二十條皆癩之初也見其候便當爪其陽脉所應炎爪之皆重手令兒驟啼及足脉絕亦依方與湯

通按
悟當是

又直視瞳子動 腹滿轉鳴 下血身熱 口噤不得乳

反張脊強 汗出發熱 爲卧不悟 手足瘳痲喜驚

凡八候癰之劇也如此非復湯爪所能救便當時灸之妙

又小兒驚啼眠中四肢掣動變蒸未解慎不可針灸爪之

動其百脉仍因驚成癰也惟陰癰噤瘥可針灸爪之凡灸

癰當先下兒使虛乃承虛灸之未下有實而灸者氣逼前

後不通殺人也

又癰平旦發者在足少陽 黃昏發者在足太陰 日中

發者在足太陽 夜半發者在足少陰 人定發者在足

陽明 晨朝發者在足厥陰

右癰發時節病所在視其發早晚灸其所也

又五藏之癰六畜之癰或在四肢或在腹內審察其候隨

病所在灸之雖少必差若失其要則為害也

肝癰之為病面青目反視手足搖灸陽明太陰各三炷

心癰之為病面赤心下有熱短氣息微數灸心下第二肋端宛宛中此為

巨關也又灸手心主及少陰各三炷

脾癰之為病面黃腹大泄痢灸胃管三壯俠胃管傍各二壯足陽明太陰各二炷

肺癰之為病面目白口沫出灸肝俞二壯又灸太陰二炷

腎癰之為病面黑目正直視不搖如尸狀灸心下二十二壯又灸肘

下動脈各二壯又按千金肘下作肘中二壯下有又灸足太陽少陰各二壯十字

又按千金肝作肺太陰上有手陽明三字

高德按陽明太陰千金陰足少陽厥陰

丙德按
二千金
作骨
又按延
千金作

癰癩之為病目反四肢不舉灸風府又灸頂上鼻人中下脣承漿皆隨年壯

腸癰之為病不動搖灸兩承山又灸足心兩手勞宮又灸兩耳後完骨各隨年壯又灸臍中可

五十壯

右五藏癰證候

又馬癰之為病張口搖頭馬鳴欲反折灸頂風府臍中三壯病在腹中燒馬

蹄末服

牛癰之為病目正直視腹脹灸鳩尾上及大椎各三壯燒牛蹄末服

雞癰之為病延頸反折喜驚自搖灸足諸陽各三壯

羊癰之為病喜揚目吐舌灸大椎上三壯

豬癰之為病喜吐沫灸完骨兩傍各一寸七壯

又按完千金作脊

誤
癩
癩

犬癩之為病手屈拳攣灸兩手心一壯灸足一壯灸各一壯良

右六畜癩證候

尚德按千金屈作足無兩聊頭兩穴各六字

凡諸反張大人脊下容側手又若目反上視瞳子動當灸

小兒容三指者不可療也顛中取之法橫度口盡兩

吻際又橫度鼻下亦盡兩邊折去鼻度半都合口為度從

額上髮際上行度之灸度頭一處正在額上未合骨中隨

手動者是此次分許直望鼻為正也次灸其兩邊當目瞳

最要處也次灸當額上入髮際二次灸子直上入髮際二

分次次灸頂上次灸客主人穴在眉次灸兩耳門當耳開口

許次次灸兩耳上捲耳取之一法當捲耳上頭是也次灸兩

是次次灸兩耳上捲耳取之一法當捲耳上頭是也次灸兩

也次大人當耳上橫三指小小兒各自取其指也次耳後

完骨上青脉亦可次灸玉枕項後次灸兩風池穴在項後

以針刺令血出次高骨是也次兩轅筋外髮際陷中

是次次灸風府當項中髮際亦可次灸頭兩角兩角當髮

又按千金無二

一法二
字千金
在大字
上

壯五十日灸七壯病重者具灸之輕者唯灸顛中風池

玉枕也艾使熟炷令平正著肉火勢乃至病所也艾若

生炷不平正不著肉徒灸多炷無益也

又若腹滿短氣轉鳴灸肺募穴在兩乳上第二肋間宛宛中垂繩取之當瞳子是也次灸臏

中灸胃次灸臍次灸薛息穴薛息在兩乳下次灸巨關

人人鳩尾下一寸小兒去臍作六分分次灸胃次灸金明

之去心鳩尾下一寸是也并灸兩邊分次灸胃次灸金明

在穀道前囊之後當中央是也從陰囊下度至大孔前分

右腹部一十二處胃堂巨關胃管十日兒三炷
上可五炷陰下縫三炷或云隨年壯以灸之

又若脊強反張灸大椎并灸諸藏俞及督脊上當大椎度至窮骨中屈更從大椎度

尚德按
人人千
金作大
人
又按關
千金作

下頭是督齊也

右背部一十二處十日兒灸三壯一月以上灸五壯

又若手足掣癱驚者灸尺次 灸陽次 灸少次 灸勞次 灸心

次灸合 灸三 灸少

右手部一十六處其要者陽明少陽心主尺澤合谷少

商也壯數如上

又灸伏 灸三 灸腓 灸鹿 灸陽 灸次 灸少 灸然

右足部一十四處皆要可灸如上壯數手足陽明謂人

四指凡小兒驚癇皆灸之若風病大動手足掣癱者盡

灸手足十指端又灸本節後

商德按
開千金

又論曰若病家始發便來告師師可診候所解爲法作次序療之以其節度首尾取差也病家已經雜療無次序不得制病病則變異其本候後師便不知其前證虛實直依其後證作療亦不得差也要應精問察之爲前師貫者所配依取其前蹤續以爲療乃無逆耳前師處湯本應數劑乃差而病家服一兩劑求効便謂不驗已後更問他師師不尋前人爲療寒溫次序而更爲療而不依次前師療則斃也或前已下之後須平和療以接之而得差也或前人未下之或不去者或前療寒溫失度後人應調理之是爲療敗病皆須邀射之然後免耳不依次第及不審察必反

重斃也又茵芋丸療少小有風癘疹至長不除或遇天陰
節變便發動食飲堅強亦發百脉孿縮行步不正言語不
便者服之不發方

茵芋 炙

鉛丹 熬

鈞藤 炙

杜蘅

防葵

石膏 研

秦艽 各四分

菖蒲

黃芩 各六分

松蘿 二分

蜣螂 十枚 炙

甘草 十四分 炙

右十二味擣篩丸如小豆三歲以下服五丸三歲以上

服七丸五歲以上服十丸十歲可至十五丸大小量之

又神農本草經說小兒驚癇有一百二十種其證候微異

於常便是癘候也初出胎血脉不斂五藏未成稍將養失

外臺秘要
宜卽爲病也時不成人其經變蒸之後有病餘證並寬唯
中風最暴卒也

又小兒四肢不好驚掣氣息小異欲作癇

又凡小兒不能乳哺當與紫丸下之小兒始生生氣尚盛

但有微惡則須下之必無所損及其愈病則致深益及變

蒸日滿不解者並宜龍膽湯也

方在客
忤中

若不時下則成大

病病成則難療矣凡下四味紫丸最善雖下不損人足以

去疾若四味紫丸不得下者以赤丸下之赤丸不下當倍

之若已下而有餘熱不盡當按方作龍膽湯稍稍服之并

摩赤膏風癇亦當下之後以豬心湯下之驚癇但按圖灸

乏及摩膏不可大下也何者驚癩心氣不定下之內虛益
令甚耳驚癩甚者特為難治如養小兒嘗慎驚勿令兒聞
大聲抱持之間當安徐勿令怖也又天雷時便掩塞兒耳
并作餘細聲以亂

凡養小兒皆微驚以長血脉但不欲大驚大驚乃灸驚脉
若五六十日灸者驚復重甚生百日後灸驚脉乃善

治少小心腹熱除熱丹參赤膏方

丹參

雷丸

芒消

戎鹽

大黃

各三兩

右五味切以苦酒半升浸四種一宿以成鍊豬脂一斤

煎三上三下去滓內芒消膏成以摩心下冬夏可用一
方但丹參雷丸亦佳 並出第五卷中

千金翼凡小兒之癇有三種有風癇有驚癇有食癇然風
癇驚癇時時有耳十人之中未有一二是食癇者凡是先
寒後熱發癇者皆是食癇也驚癇當按圖灸之風癇當與
豚心湯下之食癇當下乃愈紫丸佳凡小兒所以得風者
緣衣暖汗出風因而入也風癇者初得之時先屈指如數
乃發作此風癇也驚癇者起於驚怖先啼乃發作此驚癇
也驚癇微者急療勿復驚之或自止也其先不哺乳吐變
熱後發癇此食癇也早治則差四味紫丸逐癖飲最良去

痛速而不虛人赤丸差駛病重者當用之

小兒衣甚寒薄則腹中乳食不消其大便皆酢臭此欲為
癖之漸也便將紫丸以微消之服法先從小起常令大便
稀勿使大下也稀後便漸減之尿不酢臭乃止藥

又凡小兒冬月下無所畏夏月下難差然有病者不可不

下後腹中當小脹滿故當節哺乳將紫丸數日又乳哺小

兒常令多少有常劑兒漸大當稍稍增之若減少者此腹

中已有小不調也便微服藥停哺但與乳甚者十許日微

者五六日止哺自當如常若不肯哺而欲乳者此是癖為

重要當下之無不差者不下則致寒熱或反吐而發癩或

高橋
千金
下下
更有下
字無將
紫丸三
字數日
下有下
可下
四字

更致下痢此皆病重不早下之所爲也此爲難療

又凡小兒有熱不欲哺乳臥不安又數驚此痢之初也服紫丸便愈不差更服之兒立夏後有病療之慎勿妄灸不欲吐下但以除熱湯浴之除熱散粉之除熱赤膏摩之又臍中以膏塗之令兒在涼處勿禁水漿常以新水飲之

又凡小兒屎黃而臭者此腹中有熱宜微將服龍膽湯若白而酢者此寒不消也當服紫丸微者少與藥令內消甚者小增令小下皆須節乳哺數日令胃氣平和若不節乳哺則病易復復下之則傷其胃氣令腹脹滿再三下之尚

可過此傷矣

並出第十一卷中

備急療少小百二十種癩病會中病蛇蛻皮湯方

蛇蛻皮

三寸炙

細辛

甘草

炙

釣藤

黃耆

各二分

大黃

四分

蚱蟬

四枚炙

牛黃

五大豆許

右八味切以水二升半煮取一升一合百日兒一服二合甚良窮地無藥物可一二味亦合不可備用然大黃一味不得常用效

又療少小二十五癩大黃湯方

甘草

炙

大黃

甘皮

當歸

各一兩

細辛

半兩

右五味擣篩以指撮著水一升煮取二合一歲兒服一

合日二

古今錄驗赤湯療二十五種癩吐痢寒熱百病不乳哺方

大黃 五兩

當歸

芍藥

黃芩

栝樓

甘草 炙

桂心

人參

赤石脂

牡蠣 熬

紫石英

麻黃 去節各二兩

右十二味搗篩令調盛以韋囊八歲兒以乾棗五枚用

水八合煮棗取五合兩指撮藥入湯中煮取三沸去滓

與兒服之取利微汗自除十歲用棗十枚三指撮藥水

一升煮三沸服之此湯療小兒百病及癩神驗

又療未滿月及出月兒壯熱發癩釣藤湯方

釣藤 一分

蚱蟬 一枚 去翅

柴胡

升麻

黃芩 各二分

蛇脫皮 二寸 炙

甘草 炙

大黃 各二分

竹瀝 三合

石膏 三分 碎

右十味切以水一升煮取三合半和竹瀝服一合得到

見湯色出停後服至五十六日兒一服一合乳母忌

海藻菘菜等 崔氏云若連發不醒加麻黃一分去節

又療百日及過百日兒發癩連發不醒及胎中帶風體冷

面青反張宜服麻黃五癩湯方

麻黃 去節

羌活

乾葛

甘草 炙

枳實 各二分 炙

杏仁 二十枚

升麻

黃芩

大黃 各四分

柴胡

芍藥 各三分

釣藤皮 一分

蛇蛻 三寸

蚱蟬 二枚 炙

石膏 六分

右十五味切以水二升并竹瀝五合煎取六合每服一

合佳

小兒驚悸方二首

必効釣藤湯療小兒壯熱時氣驚悸并熱瘡出方

釣藤

人參

蚱蟬 炙

子芩 各一分

蛇蛻皮 三寸

龍齒 四分

防風

澤瀉 各二分

石膏 一兩

竹瀝 三合

右十味切以水二升并竹瀝煎取七合細細服之以差

爲度

又方

牛黃

兩大豆
許研

蚱蟬

炙各
二分

龍齒

麥門冬

去心各
四分

人參

三分

釣藤

一分

茯神

杏仁

十二枚

蛇蛻皮

三寸炙
末入

右九味切以水二升煎取六合去滓下午黃末分六服

消息服之令盡差

小兒夜啼方一十首

小品療小兒夜啼一物前胡丸方

前胡

隨多
少

得德按
一 千金
化二
爾德按
不千金

右一味搗篩蜜丸如大豆服一丸日三加至五六丸以
差為度 千金同

又方

以姪娠時食飲偏有所思者以哺兒則愈 千金同

千金療小兒夜啼不已醫所不治者方

取狼糞中骨燒作灰水服如黍米粒一枚即定

又療小兒夜啼至明不安寐芎藭散方

芎藭

防已

白朮

各二分

右三味搗篩以乳和之與兒服之量多少又以兒母手

掩臍中亦以摩兒頭及脊驗二十日兒未能服散者以

乳汁和之服如麻子一九

又方

交道中土

伏龍肝

各一把

右二味以絹篩水和少許服之差

又方

取馬骨燒灰敷乳上飲兒啼即止

並出第五卷中

備急或常好啼方

取犬頭下毛以絳囊盛擊兒兩手立効

必効小兒夜啼方

以日未出時及日午時仰臥著於臍上橫文屏氣以

朱書作血字其夜即斷聲効

古今錄驗小兒夜啼如腹痛方

麩蟲熬令煙盡

芍藥炙

芎藭熬各等分

右三味擣末服如刀圭日三以乳服之

又療小兒夜啼不止腹中痛宜以乳頭散方

黃耆

甘草炙

當歸

芍藥

附子炮

乾薑各等分

右六味為散以乳頭飲兒丸可胡豆三丸大小量之

小兒驚夜啼方七首

廣濟療小兒五驚夜啼龍角丸方

龍角

黃芩

大黃

各二分

牡丹皮

分

蚱蟬

一枚

牛黃

小豆大五枚

右六味搗篩蜜和丸如麻子少小以意增減之甚良

千

牡丹作牡蠣崔氏名五驚丸

千金療小兒驚啼方

以雞屎白熬末以乳服少許

又方

以臘月縛猪繩燒灰服之

又方

燒猬皮三寸灰著乳頭飲兒

又方

車轄脂如小豆許內口中及臍中差

又小兒因宿乳不消腹痛驚啼牛黃丸方

大附子

二枚炮
去皮

牛黃

三銖

巴豆

去心
皮熬

杏仁

去尖
皮

真珠

各一兩研

右五味搗附子真珠下篩別搗巴豆杏人合如膏內

子及牛黃搗一千二百杵若乾入少蜜足之百日兒

如粟米一九三歲兒服如麻子一九五六歲兒服如

豆一九日二先乳哺了服之隔上下悉當微轉藥完出

者病愈散出者更服

並出第五卷中

文仲隱居効方小兒夜啼不安此腹痛故至夜輒劇狀似

鬼禍五味子湯方

五味子

當歸

芍藥

白朮

各四分

甘草

桂心

各二分

右六味切以水一升煎取五合分服之增減量之

小兒客忤一十首

千金論曰少小所以有客忤病者是外人來氣息忤之一

名中人為客忤也雖是家人或別房異戶或乳母父母從

外還衣服或經履鬼神麤惡暴氣或牛馬之氣皆為忤也

發作喘息乳氣未定者皆為客忤其乳母遇醉及房勞後

高德按
發千金

尚德按
千字下
疑脫方

作執

高德按

皆頻千

金作類

皆

高德按

子金實

字下有

寒字魁

作鬼主

之下有

十歲已

下四字

作魁

乳兒最劇能殺兒也不可不慎

又論曰凡中客之為病皆頻吐下青黃白色木穀解離腹

痛天糾面色變易其候似癩但眼不上插耳其脉急數者

是也宜與龍膽湯下之

又龍膽湯療嬰兒出腹血脉盛實熱温壯四肢驚掣發熱

大吐喞者若已能進哺中食不消壯熱及變蒸不解中客

人魘氣并諸驚癇方悉主之小兒皆服之小兒龍膽湯第

一此是新出腹嬰兒方若日月長大者以次依此為例若

必知客忤及有魘氣者可加入參當歸各如龍膽秤分多

少也一百日兒加半分二百日兒加一分一歲兒加半兩

餘藥皆準爾

龍膽

釣藤皮

柴胡

黃芩

桔梗

芍藥

茯神

甘草

炙各一分

蟪蝮

二分

大黃

四分

右十味切以水一升煎取五合為劑也服之如後節度

藥有虛實虛藥宜足數合水也兒生一日至七日分取

一合為三服生八日至十五日分取一合半為三服生

十六日至二十餘日至四十日者盡以五合為三服十

歲亦準此得下即止勿復服也

又少小卒客忤不知人者方

人樓个
蟪蝮

高德按

下字下

千金有

四字

高德按

或生千

金作顛

上

取新熱馬屎一枚絞取汁飲兒下便愈亦治中客忤

而嘔啼面青腹強者

又少小見人來卒不佳腹中作聲者二物燒髮散方

用向來者人頭生髮十莖斷兒衣帶少許合燒灰細

末和乳飲兒卽差

又少小中忤人一物馬通浴湯方

用馬通三升火燒令煙盡以酒一斗煮三沸去滓以

浴兒卽差

又凡乘馬行還得汗氣臭又未盥洗易衣裝而便向兒邊

令兒中馬客忤兒忽卒見馬來及聞馬鳴驚及馬上衣物

避之

者重一

歲兒者

凡兒俱

當慎謹

一歲兒

尤當慎

重也

一云蕤

之特黑

中者或

避之子

黑闇中

即下勿

令見之

者

馬氣皆令兒中馬汗氣及客忤慎護之特重一歲兒也

又凡非常人及諸物從外來亦驚小兒致病欲防之法

有從外來人及有異物入戶當將兒迴避之勿令見也若

不避者即燒牛糞令有煙氣置戶前則善

又方

吞麝香如大豆許立愈

又療少小客忤二物黃土塗頭方

以竈中黃土熟者曲蟮糞等分合搗如雞子黃大塗

兒頭上及五心良 一方雞子清和如泥

又療小兒犯客忤發作有時方

尚德按合搗下千金有水如二字

取母月衣覆兒上大良

又療卒客忤方

剪取驢前膊胛上旋毛大如彈丸以乳汁煎之令毛
消藥成著乳頭飲之下喉卽愈

又療小兒卒客忤方

銅鑑鼻燒令赤投少許酒中大兒飲之小兒不能飲
者含與之卽愈

並出第五卷中

小兒癥瘕癖方六首

廣濟療少小及大人腹中宿食積成癥癖兩脅妨滿氣息
喘急不能食而黃日漸瘦腹大脹硬除百病紫雙丸方

通按

雙卽是

編

三九
見第
千六
第

代赭 研

丹砂 研

大黃 各八分

青木香

當歸 各五分

桂心 四分

犀角 三分

巴豆 六分

右八味擣篩蜜和丸如梧子大人小兒量之十歲兒服

大豆二丸六歲者小豆許二丸以下臨時斟酌要瀉病

出為度久疾日一丸以瀉洩而已不在猛瀉忌如常法

又療小兒疰癘發腹痛不食黃瘦鼈甲丸方

鼈甲 炙

郁李人 各八分

人參 各五分

訶黎勒 皮七

大黃 四分

桑菌 三分

右七味擣篩蜜丸大小量之以酒飲乳服五丸至十九

千金牛黃鼈甲丸療小兒癘實癰腫壯熱食不消化中惡

忤氣方

牛黃

二分

鼈甲

炙

麥麩

熬

柴胡

大黃

枳實

炙

芎藭

各二兩

厚朴

炙

茯苓

桂心

芍藥

乾薑

各半兩

右十二味搗篩蜜丸如小豆日三服以意量之

又療小兒心下生痞痰澀結聚腹大脹滿身體壯熱不欲

哺乳芫花丸方

芫花

黃芩

各四分

大黃

雄黃

細研各十銖

右四味搗篩為末蜜和更搗一千杵三歲兒至一歲以

下服如粟米一丸欲服丸內兒喉中令母與乳若長服

兩半作二千銖
是分

消病者當以意消息與服之與乳哺相避良

又療小兒痰實結聚宿癖羸露瘦不能飲真珠丸方

真珠

半兩

麥門冬

一兩

蕤人

五十枚一云二百箇

巴豆

七枚去心皮熬一云四十枚

右四味搗篩蜜和丸暮歲兒服二丸小豆大二百日見

服如麻子二丸漸增以知為度當下病赤黃白黑葵汁

勿絕藥病盡下自止久服令小兒肥白無病已試驗並

出第五卷中

劉氏療小兒冷癖疰癖氣不下食瘦時時肋下痛方

防葵

當歸

枳實

炙

厚朴

炙

楮實

人參

黃耆

茯苓

白朮

訶黎勒皮

各八分

郁李人

去皮

柴胡

大麻人

芍藥

橘皮

防風

紫苑

洗去土

薏苡人

各六分

鼈甲

炙

三稜根

各十分二分

桂心

七分

仙鼠

二枚如無以糞二合代

大附子

二枚炮

乾薑

末二分

甘草

炙

乾地黃

各十分

大黃

十分

五味子

四分

檳榔

四顆

牛膝

二分

右三十味擣篩蜜丸如梧子大小增減以意量之須飲

服之良

小兒痰結方二首

通按
爾鼠即
蝙蝠以
糞代者
即用夜
磨砂也

千金療少小宿食癖氣痰飲往來寒熱不欲食消瘦芒消
系丸方

商德按
半金芒

芒消

四分
熬

大黃

四兩

半夏

二兩
洗

代赭

一兩

稿四兩
巴豆二

甘遂

二兩
熬

巴豆

三百枚去
心皮熬

杏仁

一百二十枚

首枚十
見存一

右七味搗篩別治巴豆杏仁令如膏搗數千杵令相和
如強內少蜜百日兒服如胡豆十九丸過百日至一歲服

九作二
九作二
知加作

二十丸隨兒大小以意節度之當候兒大便中藥出為

愈若不出復與加初

出第五卷中

古今錄驗療八歲以上兒熱結痰實不能下食方

大黃

十二分

柴胡

九分

黃芩

知母

各十分

馬德按
下食十
金作食
自下三

升麻 十分

枳實 炙

杏仁 各六分

芍藥

梔子 各八分

細辛 二分半

竹葉 切一分

右十一味切以水六升煮取一升八合分四服十歲兒

分三服以下以意消息多少量之 千金有桔梗黃連無枳實杏仁

小兒因食痞滿羸瘦不下食肚脹方四首

小品療四五歲兒因食及在胎中宿熱乳母飲食麤惡辛

苦乳汁不起兒哺不為肌膚心腹痞滿痿黃瘦瘠四肢痿

癢繚戾服之令充悅方

芍藥 十分 炙 令黃

鼈甲 炙

人參 各四分

柴胡 八分

茯苓 六分

甘草 炙

乾薑 各二分 如熱以枳實代

尚德按 喘字上 千金有 乳字

得下 下利 十二 當歸 大 冬 五 銖 金 銖 銖

右八味壽節蜜和爲丸如大豆服五丸日二服忌如常

法 千金有大黃無黃耆云服一九一歲以上乳服三九
七歲兒服十九日二

千金療少小傷寒久病不除差復劇羸瘦骨立五味子湯

方

五味子 十銖 大黃 六銖 芒消 五分 麥門冬 六分 去心

石膏 一兩 甘草 炙 當歸 黃芩

黃連 前胡 各一分

右十味切以水三升煮取一升半服二合下利即止効

又療小兒羸瘦憊常服不妨乳方

甘草 五兩炙

右一味擣篩蜜丸如小豆一歲兒服十九日三盡即更合 並出第五卷中

劉氏療小兒肚脹漸瘦不食四肢熱不調方

甘草 象

鼈甲 炙

柴胡

茯神

子芩 各六分

訶黎勒皮 十二分

檳榔 兼皮二顆研

芍藥

橘皮 各三分

生薑

當歸 各四分

知母 五分

大黃 八分

右十三味切以水一升半煎取七合分爲數服得瀉病

差

小兒食不下及不消不嗜食方四首

小兒心腹滿喫食不下地黄飲子方

生地黄汁

合三

生薑汁

合三

訶黎勒

四分

白蜜

一匙

右四味相和調勻分溫服之微利尤良

小品療小兒宿食不消發熱九味當歸湯方

當歸

甘草

芍藥

人參

桂心

黃芩

乾薑

各一分

大棗

五枚

大黃

二分

右藥切以水一升半煎取六合去滓分服

千金療少小五六日不食氣逆桂心橘皮湯方

桂心

半兩

橘皮

三兩

薤白

切五分

黍米

五合

人參 半兩

右五味切以水七升先煮藥取二升次下薤米米熟湯

成稍服之

又療少小胃氣不調不嗜食生肌肉地黃丸方

乾地黃

大黃 各五分

茯苓 三分

當歸

柴胡

杏仁 各二分

右六味末之以蜜丸如麻子大服五丸日三服

並出第五卷中

小兒霍亂方一十二首

廣濟療小兒霍亂心腹刺痛吐痢方

茯苓

桔梗

人參 各六分

白朮

五分

甘草 炙
厚朴 各四分 炙

右六味切以水二升煮取六合去滓温服之

又療小兒霍亂嘔吐不止方

人參 六分
厚朴 三分 炙
陳倉米 三合

右三味切以水三升煮取七合去滓分服之

千金療小兒吐痢霍亂方

人參 四分
厚朴 炙
甘草 各二分 炙
白朮 三分

右四味切以水一升二合煮取五合六十日兒服一合

百日兒分三服碁歲兒分再服乳母忌油膩等

備急療小兒霍亂吐痢方

人參 四分

厚朴 炙

甘草 各二分

乾薑 一分

白朮 三分

右五味切以水一升煮取四合分服之

又療孩子霍亂已用有效方

人參

蘆蘘

各二分

扁豆藤

二兩

倉米

一撮

右四味切以水二升煮取八合分服

又方

人參 四分

生薑

三分

厚朴 炙

白朮

甘草 炙各二分

右五味切以水一升煮取四合分服

又方

人參 四分

木瓜 一枚

倉米 一撮

右三味切以水煮分服以意量之立効

必効主小兒霍亂

取廁屋戶簾燒灰研以飲服一錢匕

又方

訶黎勒 一枚

右一味先煎沸湯研一半許與兒服立止再服神妙

古今錄驗療小兒霍亂吐痢人參白朮湯方

人參 六分

白朮

茯苓 各四分

厚朴 炙

甘草 炙各三分

右五味切以水一升半煮取六合分温服立効

劉氏療百日以來及蓐內兒霍亂方

以人乳半合及生薑汁少許相和煎服入口定

又療小兒霍亂方

生薑 四分

香薷 一兩

薄荷 一兩

右三味以水煎分温兒與母俱服之甚良

小兒霍亂雜病方六首

劉氏療小兒霍亂空吐不痢方

人參 六分

生薑 四分

厚朴 二分

橘皮 一分

兔骨 一兩炙碎

右五味切以水一升二合煎取四合服之即利下部又以杏人鹽少許皂莢末少許麩和硬洩如棗核大以綿裹內之便通妳毋忌熱麩大効

又療小兒霍亂空利不吐方

烏牛蒨草

團一生薑

人參 各三兩

右三味切以甜不醋漿水一升半煎取五合分服之如

孩子渴取曲蘗糞爛龍骨一兩以漿水煎澄清與兒喫

即差

又療小兒霍亂不吐不痢肚脹妨滿上下不通方

箋按 龍即菓 耳也 龍音詩 德按 李時珍 本草 下引此 方莖作 龜莖無

烏牛之
藥及不
藥霍亂
疑蔬齒
皆相近
說

甘草

四分

當歸

二分

石鹽

三分

右三味切以漿水一升半煎取六合去滓牛黃麝香各半錢七研蜜半匙相和以下灌之即通效毋與漿水粥喫勿喫麪肉等

又小兒乾霍渴熱及壯熱眼色慢四大困悶方

以烏豆一升淨乾擇生薑一兩切以水三升煎烏豆

皮欲爛即濾取汁二合和少許蜜喫即變吐如人行

六七里又與喫無問大人小兒並與服之効

又療小兒熱霍諸藥不差方

以蘆葉二大兩糯米三大合水三升先煮葉入米煮

取一升入蜜少許和服卽差不足卽取桑葉二升生薑半兩切以水三升煮取一升著一匙白米爲飲服
又療小兒霍亂吐痢不止方

以人乳汁二合生薑汁粟米許豈薏取人碎似蕎麥
大二七枚籩籩一小把龍骨六分以乳煎取一合著
少許牛黃麝香兔毛灰等和分爲三服如渴以糯米
泔著蜜與喫卽差

小兒吐痢方四首

千金療小兒吐痢方

以亂髮灰二分鹿角一分作末以米飲服一乃圭日

三

又方

以熱牛矢汁灌之

又方

燒特猪矢水解取汁少少飲兒

劉氏療百日以下蓐內兒吐痢方

麩

一錢
炒

乳汁

兩合

龍骨

六分

右三味煎龍骨和炒麩服之即差

小兒噉方二首

備急療小兒噉方

以生薑汁五合牛乳五合

右二味合煎取五合分二服

又方

以羊乳一升煎減半分五服無用牛乳代之

小兒口噤方四首

千金療小兒口噤方

以鹿角粉之大豆末之等分和乳塗乳飲兒

又方

以驢乳二升猪乳一升合煎得一升半服如杏人三

四服差

建德按
千金
乳二升

備急療小兒鵝口并噤方

礬石 燒末

朱砂 各半分

右二味和研令極細敷兒舌上日三以亂髮洗舌上垢

頻頻令淨即差

古今錄驗療小兒噤其病在咽中如麻豆許令兒沫不能

乳哺方

取水銀如黍米與服覺病無早晚水銀下咽便愈以
意量之不過小麻子許與可也

小兒重舌方一十三首

千金療小兒重舌方

高德按
方字下
煖既并
法三

灸行間隨年壯穴在足大指岐中是

又方

取田中蜂房燒灰酒和薄喉下愈

又方

以竈中黃土末苦酒和塗舌上

又方

以赤小豆末和醋塗舌上

又方

取籛箕舌燒灰敷舌上

又方

外臺秘要
黃蘗竹瀝漬取細細點舌上良

又方

兒重舌舌強不能收嚼燒蛇脫末以雞毛蘸醋展藥

掠舌下愈

千金翼療小兒重舌方

取三屠家肉各如指大以摩舌上兒立能乳便啼

又方

以衣魚燒作灰以敷舌上
千金云衣魚塗舌上

又方

兒重舌舌強不收嚼者鹿角末如小豆許著舌下敷

數與之

又療小兒重舌口中瘡涎出至多方

以蒲黃敷舌上不過三度愈

古今錄驗療兒重舌欲死方

灸右足踝三壯立愈又灸左右並良

千金云灸兩足外踝

又方

取亂髮燒灰末敷舌上甚佳

小兒鵝口鸚口方六首

千金療小兒心藏熱口爲生瘡重舌鵝口方

取柘根剉五升無根只以弓材佳

尚德按
一斗子

金作五

升

右一味以水一斗煮取二升以汁更煎取五合細細拭

齒數次良

又方

口生瘡白漫漫取桑木汁先以父髮拭口次以桑汁

塗之

又療小兒鵝口不能飲乳方

取白鵝屎汁瀝口中良

又方

取黍米汁塗之

又方

取父母亂髮淨洗纏桃枝沾取井華水東向日以髮
拭口中得口中白乳以置水中七過瀝洗三朝作之
救急療小兒驚口兩吻生瘡方

取髮灰以豬脂和塗之 千金同

小兒口瘡方五首

小品療小兒口爛瘡方

取羊乳細細瀝口中不過三度差

千金療小兒口瘡方

大青 三分
黃連 二分

右二味切以水三升煮取一升二合一服一合日再夜

文仲支太醫療小兒口瘡方

桑木白汁 生地黄汁 各一合 赤蜜 半合

右三味和煖敷兒口中瘡便差

救急療小兒口瘡方

以蛇脫皮水漬令濕軟拭口內瘡一兩遍卽差

劉氏療小兒口瘡方

黃蘗皮 一兩 烏豆 一升

右二味以水二升煮取兩合去滓重煎如飴入少許龍

腦香研和敷之甚良

小兒口中涎出方三首

千金療小兒口涎出方

以白羊屎內口中差

又方

以東行牛口中沫塗兒口中及頤上

又方

桑白汁塗之差

小兒舌上瘡唇腫方五首

小品療小兒唇腫及口赤生白瘡爛方

清旦研桑木白皮取汁以塗兒唇口卽差

又小兒舌上瘡方

烏賊魚骨燒末以雞子黃和塗之至喉咽舌下遍敷

即差止

千金療小兒舌瘡方

烽房燒灰屋間塵各等分和先洗瘡使乾敷之効

又方

羊蹄骨中生髓和胡粉敷上日三取差

又舌腫強滿口方

滿口舍糖醋少時熱氣通愈

小兒咽喉生瘡方二首

千金瘰癧熱病口爛咽喉生瘡水漿不得入者膏方

當歸

射干

升麻

各一兩

附子

半兩

白蜜

四合

右五味切以猪膏四兩先煎之令成膏下著地勿令大

熱內諸藥微火煎令附子色黃藥成去滓投蜜更上火

一兩沸以器盛之取杏人許含之日四五咽之無妨大

人小兒並用妙

又療口中瘡咽喉塞不利口燥膏方

猪脂

一斤

黃連

一兩

白蜜

一升

右三味合煎令成膏去滓合半棗大日四五夜亦含之

小兒喉痺方四首

千金升麻湯主小兒喉痺痛若毒氣盛便咽塞並大人喉

咽不利方

生薑

升麻

射干

各三兩

橘皮

一兩

右四味切以水六升煎取二升分温三服

又療小兒卒毒腫著喉頸壯熱妨乳方

升麻

射干

大黃

各一兩

右三味切以水二升半煮取八合一歲兒分三服餘滓

敷腫處冷更煖而薄大兒以意加之

又方

土煮桃皮汁三升服之又燒荆瀝汁服

劉氏療小兒喉痺熱塞方

升麻

五兩切

馬蘭子

一合

右二味以水一升煎取二合入少白蜜與兒服之甚良

千金小兒聾耳方四首

千金療小兒聾耳方首

末石硫黃以粉耳中日一夜一差

又療少小聾耳方

桃人熟末以豉許裹塞耳中

古今錄驗小兒聾耳方

古今青羊屎暴乾以綿裹塞中卽差

又小兒聾耳有瘡及惡肉敷耳雄黃散方

白麻措取皮 一合

花燕脂 十願

右二味擣篩細研敷耳中令滿一兩度差

方無雄黃
詳其名

千金小兒鼻塞方四首

千金療小兒鼻塞不通濁涕出方

杏仁 二分

椒 出汗

附子 去皮

細辛 各一分

右四味切以猪五合漬藥一宿明早以猪脂五合煎令

附子色黃膏成去滓待冷塗絮導鼻孔中日再兼摩頂

上

又療小兒鼻塞生息肉方

通草

細辛 各一兩

右二味擣篩以綿纏如棗核大菜如豆著綿頭著鼻孔

中日二

古今錄驗療小兒鼻塞不通細辛膏方

細辛

通草

各一分

辛夷人

一分半

杏仁

二分去皮

右四味切以羊髓三合猪脂三合緩火煎之膏成絞去滓取一米粒許大以內鼻孔中頻易差

劉氏療小兒鼻塞不通喫乳不得方

醍醐

三合

青木香

零陵香

各四分

右三味切和前成膏取少許以膏和摻爲丸或以膏塗
兒頭上及塞鼻中以通佳

右迪功郎充兩浙東路提舉茶鹽司幹辦公事張寔

校勘

重訂唐王壽先生外臺秘要方第三十五卷終